



Publicaziuns officialas dils 03-07-2009

Damondas da baghegiar

Nr. 58/2009

Datum da publicaziun: 03-07-2009

Patrun: Orange communications AG, Turitg

Representant: Alcatel-Lucent Schweiz AG, 8055 Turitg

Object: Modernisar l'antenna existenta alla tecnologia da UMTS sin la parcella nr. 364 a Rabius, Campieschas.

Nr. 59/2009

Datum da publicaziun: 03-07-2009

Patrun: Ella Riedi, 7183 Mompé Medel

Representant: Degonda SA, 7176 Cumpadials

Object: Remplazzar barcuns cun storas da sulegl el plaun terren vid la casa nr. d'assec 49A sin la parcella nr. 1549 a Sumvitg, Cuntrin.

Ils profils ein tschentai ed ils plans da construcziun ein deponi tier la canzlia communal. L'investa publica cuozza 20 dis dapi il datum da publicaziun. Eventualas protestas encunter sura damondas da baghegiar ein d'inoltrar:

- a) appartenent il dretg privat agl uffeci circuital Cadi, Mustér cun ina copia alla cumissiun da baghegiar
- b) concernent il dretg public alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 03-07-2009

Cumissiun da baghegiar Sumvitg

Reglament da traffic / carrar sin vias d'uaul

Tenor reglament da traffic dils 08-03-1999 vala per las sequentas vias communalas permanentamein in scamond da carrar cun tuts vehichels a motor (signal 2.14):

- Spartida Cumadé entochen Val Rabiús, incl. cruna dil rempar
- Siltginas - Alp Glivers
- Clavadi - Crap Ner
- Clavadi - Con da Vitg
- Laus/Hettas - Bostg
- Laus/Hettas - Runca
- Mir Alv - Hettas
- Val Dadens - Alp Naustgel
- Bogn Tenigia - Punt Vallesa
- Punt Gronda - Alp Russein
- Runcahez - Runé
- Parcadi dadens lag Runcahez - Valtenigia
- Parcadi dadens lag Runcahez - Run
- Via veglia Curaua
- Runs - Fanel
- Plaun da Punt
- Via veglia Alp da Laus
- Punt Sulagval - Rensch
- Unclin – Cumpadials

Exepi da quei scamond ein viadis tenor art. 2 (sco p.ex. survetschs officials e maschinas agricolas) sco era purtaders d'ina carta da legitimaziun tenor art. 3, numnadamein:

- a) d'ina lubientscha per diever agricol
- b) d'ina lubientscha annuala
- c) d'ina lubientscha meinsila
- d) d'ina lubientscha dil di

Las lubientschas san vegnir retratgas sco entochen da cheu. Per ulteriur sclariment stat l'administarziun communal bugen a Vossa disposiziun. La carta da legitimaziun ei da plazzar bein veseivla vid il vehichel. Quella ei buca transmissibla. Surpassaments vegnan puni tenor las determinaziuns dalla lescha da traffic.

Plinavon ha la suprastonza communal relaschau en sia seduta dils 22-04-2002 determinaziuns executoricas davart la consegna da cartas annualas. Quellas determinaziuns passan immediatamein en vigur e san vegnir retratgas sin canzia communal.

Nus supplichein da risguardar las signalisaziuns e buca far surdiever dallas numnadas vias en favur da nossa flora e fauna. Bien engraziament per Vossa collaboraziun.

7175 Sumvitg, zercladur 2009

Suprastonza communal Sumvitg

Scamond d'encurir bulius

Sebasond sils art. 11 e 12 dalla lescha davart la protecziun da plantas e bulius ha la Regenza dil cantun Grischun decretau restricziuns.

Ei setracta en special dil suandont:

- Egl interval dils 1 entochen e cun il 10avel di da mintga meins eis ei scumandau d'encurir bulius da tuttas specias.
- Il quantum maximal ch'astga vegnir rimnaus per persuna e per di munta a maximal 2 kg da tuttas specias.
- Igl ei scumandau da rimnar bulius en gruppas da pli che treis persunas.
- Il diever d'utensils per rimnar bulius ei scumandau.

Surpassaments da quellas prescripziuns vegnan puni a norma d'art. 16 dalla lescha cantunala davart la protecziun da plantas e bulius. Nus supplichein da respectar quellas disposiziuns ed engraziein per tutta capientscha.

Sumvitg, fenadur 2009

Suprastonza communal Sumvitg

Serrada via Gonda / Cumpadials

Muort la sanaziun dalla punt Gonda vegn la via Gonda denter Cumpadials e Surrein/Plaun Fravia serrada per tut traffic naven digl **13 da fenadur 2009 entochen e cun ils 16 da fenadur 2009**. La via da velos denter Cumpadials/Resgia e Plaun Fravia resta vinavon scumandada, en special per tut traffic d'autos e maschinas agricolas che surveschan buca alla cultivaziun dils funs da Camaler e da Ruinatscha. Nus engraziein a vischinas e vischins per la beinvulientscha e pazienza duront quei temps.

Sumvitg, 03-07-2009

Departament stradalesser

Fiasta da stad en casa S. Martin a Trun

Mira sut Trun.

Uniun da pescadurs Sumvitg

La **pesca comunabla** al lag da Laus vegn menada atras ils **4 e 5 da fenadur**. La dumengia allas 11.00 ei messa alpestra cun sur Ciril Flepp.

Ustria cun grill sil plaz. Tombola cun fetg bials premis. Il carrar cun vehichels tochen sil Bostg ei lubius l'entira sonda e la dumengia tochen allas 20.00. Tgi che vul cumprar pèschs dalla uniun sa gia reservar ordavon quels sut tel. 079 611 11 50 tier Anton Orlik, ni tel. 077 208 71 44, Giochen Degonda.

Cordialmein envida.

Uniun da pescadurs Sumvitg

Uniun da catschadurs Greina, Sumvitg

www.catschadurs-greina.ch

Exercezis da sittar (100 m e lieu) a Sulagval:

venderdis, ils 17 da fenadur dallas 18.30–20.00 uras

gievgia, ils 23 da fenadur dallas 18.30–20.00 uras

mesjamna, ils 5 d'uoost dallas 18.30–20.00 uras

mardis, ils 11 d'uoost dallas 18.30–20.00 uras

gliendisdis, ils 24 d'uoost dallas 18.30–20.00 uras

venderdis, ils 28 d'uoost dallas 18.30–20.00 uras (davosa pusseivladad!)

Sonda, ils 15 d'uoost 2009 Tir intern dallas 08.00–12.00 / 13.00–15.30 uras

Radunonza avon catscha allas 20.00 en l'annexa a Sulagval

Cordialmein envida la suprastonza

Societad da musica Sumvitg/Cumpadials: Preavis

Fiasta d'uniformaziun ils 29 e 30 d'uoost 2009

Meisa da miezdi (gentar communabel) dalla Pro Senectute Surrein

La Pro Senectute Surselva organisescha ensemen cull'ustria Greina ina meisa da miezdi (gentar communabel) inagada per meins, mintgamai il venderdis. Intent dalla meisa da miezdi duei esser da promover la cuminonza ella vischnaunca da Sumvitg e contuorn denter las persunas ella vegliadetgna dalla pensiun. Plinavon dat ei la pusseivladad d'embellir quell'ocasiun cun star suentermiezdi da cumpignia cun dar in scart troccas ni auters giugs.

Liug: Ustria Greina, Surrein

Datum: **venderdis, ils 10 da fenadur 2009** allas 12.00 uras

Prezi: 16.– francs per persuna cumpru gentar cun dessert e caffè

Annunzias: Ein da far entochen **gievgia, allas 13.00 uras** tier Ustria Greina a Surrein, tel. 081 943 18 68.

Biblioteca Trun

Liug: Center communal (2. alzada)

Info: www.biblioteca-trun.ch; Info: biblioteca@trun.kns.ch

Uras d'emprest/Öffnungszeiten

Gliendisdis/Montag 15.30–17.00

Gievgia/Donnerstag 15.30–17.30

Venderdis/Freitag 19.00–20.30

duront las vacanzas da scola/ während der Schulferien: Venderdis/Freitag 19.00–20.30

Per scolas, uniuns ni gruppas ei la biblioteca aviarta tenor convegnoentscha. 081 943 26 90.

Nus selegrein da Vossa viseta. *Il team dallas bibliotecaras.*

Biblioteca populara, Mustér

Liug: Casa da scola, tel. 081 947 52 90.

biblioteca@disentis.ch

Sut www.disentis.ch ni www.bibliotecas-surselva.ch anfleis Vus nies entir catalog bibliotecar. Per Email saveis vus reservar ina ni pliras medias ed enteifer 5 dis retrer ad emprest ellas en biblioteca populara.

La biblioteca ei aviarta:

Gliendisdis 18.30–20.00 uras

Mardis 13.30–15.00 uras

Gievgia 16.00–17.30 uras

Venderdis 18.30–20.00 uras

Nies motto: Leger...tedlar...mirar...!

Nus selegrein da mintga viseta. *Biblioteca populara Mustér*